

堅

瓠

集

堅瓠四集卷之三目錄

蓬山不遠

大諫同名

隸人扞刃

遊高頂嵩

木中詩

桑大等詩

赤壁詩

鴉卜

巖老好睡

榕題

秀才甲天下

睡訣

貴人十反

子美無詩

花十友

花客

援引士類

神淚

出王墓

詩鬼

鵲鷓止妬

跨竈

葉瓊章授記

嗜飲

兒繼

金帶圍

黃楊

女香草

賦清庵

和象恭詩

紅木樺

帕考判

市名

石敢當

僧還俗

長洲酷令

梁令批詞

詩諷僧

呂徽之

折嘉靖字

蠶食菜成字

原基

五貫九百俸

雙廟詞

勸學詞

三字詩

除夕遺俗

賀通判

先儒成語

廣文嘲謔

先生提舉

陸伯陽

鄭玄婢

王三六四

錢馬相嘲

號寒虫

兒回來

禽言

奇衣侑詩

鍾馗示夢

繼于仁四箴

堅瓠四集卷之三

長洲石農褚人穫學稼纂輯

蓬山不遠

宋仁宗朝宋子京

祁

知成都帶修刻唐書

垂簾燃二椽燭媵婢夾侍和墨伸紙人望  
之如神仙皆知其修唐史也子京嘗過御  
街逢內家車子有褰帷者曰小宋也子京  
因賦鵲鵲天一曲落句云劉郎已恨蓬山

遠更隔蓬山千萬重其詞傳達禁中仁宗  
訪知呼小宋者後因與翰林語及宋詞祁  
惶恐上曰蓬山不遠遂以贈之

### 大諫同名

宋史載韓侂胄有愛姬小過被譴錢唐令  
程松壽亟召女僧以八百千市之舍之中  
堂旦夕夫妻上食事之甚謹姬惶恐莫知  
所由居數日侂胄意解復召之知爲松壽

所市大怒松壽亟上謂獻之曰頃有郡守  
辭闕者將挾去外郡某忝亦縣恐忤君顏  
故匿之舍中耳侂冑意猶未平姬旣入具  
言松壽謹待禮侂冑大喜卽日躡除太府  
寺丞遷監察御史踰進右諫議大夫猶快  
快不滿更市一美人名曰松壽獻之侂冑  
問曰柰何與大諫同名荅曰欲使賤名常  
達鈞聽耳侂冑憐之卽除同知樞密院事



隸人扞刃

裴度爲御史中丞武元衡遇害之日度亦爲人所刺隸人王義扞刃而死度由是獲免乃自爲文以祭之仍厚給其妻子是歲進士撰王義傳者十二三焉出國史補傳奇稱度爲御史請伐淮蔡忤宰相李逢吉逢吉夜遣人刺之裴僕裴旺乃效陳嬰代公死不知何不用王義事

遊嵩頂

玉海劉伯壽洛陽九老中人築室嵩山下  
每登嵩頂回則於峻極中院記其歲月  
館之年記云余今年若干登頂七十四次  
後王輔道與其孫之靜共遊至峻極中院  
作一絕云爛紅一點出浮漚夜坐嵩峯頂  
上頭笑對松牕談祖德當年七十四回遊

木中詩

浙川縣志金人伐宋時伐香巖寺木造舟  
水中有文成詩云栽松種栢興唐日解板  
成丹破宋時可惜香巖千載樹等閒零落  
歲寒枝時傳以爲奇異

桑大等詩

于忠肅公題桑云一年一度伐條柯萬木  
叢中苦最多爲國爲民甘寂寞一作皆却  
是汝  
教桃李聽笙歌唐末蔣密咏桑有綺羅因

片葉桃李漫同時句于公又有犬詩云護  
主有恩當食肉却啣枯骨惱飢腸于今多  
少閒狠虎無益於民更食羊或云犬詩乃  
李古廉者沈石田咏蠶云衣被功深藏蠶  
動碧筐火煖起眠時願言努力加飡葉二  
月吳民要賣絲馬清痴愈題蚕豆云蚕忙  
時節豆離離爛煮堪充老壯皮却笑牡丹  
如斗大可能結實濟人飢此詩本宋王文

康詩云棗花至小能成實桑葉雖柔解吐  
絲堪笑牡丹如斗大不成一事只空枝又  
王尚文題桐花云採得西風雪滿籃禦寒  
功在倍春蚕世間多少閒花草無補於人  
也自慚無錫秦廷韶題菜云翠葉蒙茸堪  
地鋪曉炊初薦美如酥世間此味人知少  
乞報中州士大夫諸作皆非嘲風弄月之  
比可獻之採風者

赤壁詩

烏衣佳話杜公序

庠

號西湖醉老以詩名

永樂間過赤壁詩云水軍東下本雄圖千  
里長江隘舳艫諸葛心中空有漢曹瞞眼  
底已無吳兵消炬影東風猛夢斷蕭聲夜  
月孤過此不堪回首處荒磯鷗鳥滿烟無  
一時人皆傳誦謂之杜赤壁又虛齋曹翰  
卿詩云白石江頭烈火紅千年遺事說東

風不知画史將何意不畫周郎畫長公亦  
有意味吳匏庵詩云西飛孤雀記何詳有  
客吹簫楊世昌當日賦成誰與註數行石  
刻舊曾藏世昌綿竹道士與東坡同遊赤  
壁所謂客有吹洞簫者卽其人也微匏庵  
表而出之世昌幾無聞矣

鴉卜

潛居錄巴陵鴉不畏人除夕婦女各取一

鴉以米果食之明旦以五色縷繫于鴉頸  
放之視其方向卜一歲吉凶其占甚多大  
畧云鴉子東興女紅鴉子西喜事齊鴉子  
南利桑蠶鴉子北織作息甚驗又元旦梳  
頭先以櫛理其毛羽祝曰願我婦文黥髮  
影影音彪惟百斯年似其羽毛故楚人  
謂文髻爲鴉髻○今俗誤爲了髻

岩老好睡



百斛明珠南岳李岩老好睡衆人食罷下  
碁岩老輒就枕閱數局乃一展轉云我始  
一局公幾局矣東坡曰岩老常用四腳碁  
盤只着一色黑子昔與邊韶敵手今被陳  
搏饒先着時自有輸贏着了全無一物承  
叔詩云夜涼吹笛千山月路暗迷人百種  
花碁罷不知人世換酒闌無奈客思家殆  
類是也

# 搭題

順治庚寅郡守王光晉府試時同知石映  
星擢長邑事與之同試出題首題乃雍也  
可使南面仲弓問子桑伯子命吏書牌呈  
驗王見不寫註字曰這許多何不寫石曰  
只要上下大字王曰只要大字何不竟寫  
一行石曰此是搭題王曰石老爺考童生  
竟出蠻子家題目罷了何必要出搭題衆

三  
聞之絕倒於是次題出至於治國家

秀才甲天下

見聞搜玉太學生相聚各言土產以相嘲  
難東魯生曰一山一水一秀才甲天下矣  
關中生曰何山曰泰山曰只有天在上更  
無山與齊當在華山下矣又何水曰東海  
曰黃河之水天上來東流到海不復迴又  
屬河之委矣又秀才誰也曰孔子曰文王

我師也周公豈欺我哉孔子文王之弟子也相與一笑是稱文譚

### 睡訣

鴻書花竹幽窓午夢長此中與世暫相忘  
華山處士陳搏如容見不覓仙方覓睡方  
西山蔡季通有睡訣云先睡心後睡眼晦  
庵以爲此古今未發之妙然其語本千金  
方云半醉酒獨自宿軟枕頭煖蓋足能息

心自曠目此睡訣也

貴人十反

經鉏堂貴人十反夜當眠而飲宴早當起而醉卧心當逸而勞身當勞而逸客東修不請師教子弟而以大錢雇教聲伎藥餌無病而服有病不肯服果䟽尚新不待熟食物取細失正味山水不喜真境而喜圖画器用不貴金銀而貴銅匱

子美無詩

天中記少陵居蜀數年吟咏殆遍海棠奇  
艷而詩章獨不一及鄭谷曰浣花溪上堪  
惆悵子美無情爲發揚是已迨宋世賦海  
棠者甚多往往用此爲實事如石延年云  
杜甫句何略薛能詩未工錢易云子美無  
情甚都官着意頻李定云不沾工部風騷  
力猶沐勾芒造化權王荊公作梅花詩少

陵爲爾牽詩興可是無心賦海棠蘓東坡  
贈妓李琪詩恰是西川杜工部海棠雖好  
不留題亦點此意又凌景陽一絕末句云  
多謝許昌傳雅釋蜀都曾未識詩人爲不  
道破而不解其無詩之由蓋子美父名閑  
母名海棠故其吟咏無閑字而不賦海棠  
固深有意宋人未之考耳

花十友

萬花谷曾端伯花十友調笑令云芳友者  
蘭也清友者梅也奇友者臘梅也殊友者  
瑞香也淨友者蓮也禪友者薝蔔也佳友  
者菊也仙友者巖桂也名友者海棠也韻  
友者醪醖也仍有玉友來奉佳賓謂酒也

### 花客

花譜牡丹爲貴客梅爲清客蘭爲幽客桃  
爲妖客杏爲艷客蓮爲谿客木樨爲巖客



海棠爲蜀客 踴躍爲山客 梨爲淡客 瑞香  
爲閨客 菊爲壽客 木芙蓉爲醉客 酴醾爲  
木客 臘梅爲寒客 瓊花爲仙客 素馨爲韻  
客 丁香爲情客 葵爲忠客 含笑爲佞客 楊  
花爲狂客 玫瑰爲刺客 月季爲癡客 木槿  
爲時客 安石榴爲村客 鼓子花爲田客 棠  
棣爲俗客 曼陀爲心客 孤燈爲窮客 棠梨  
爲鬼客 茉莉爲遠客 芍藥爲近客

援引士類

青瑣詩話丞相呂夷簡一日有儒者張球  
獻詩曰近日厨中乏所供孩兒啼哭飯籮  
空母因低語告兒道爹有新詩上相公公  
見詩甚悅因以俸錢百緡遺之又爲引導  
貴官門館得依棲之又韓魏公鎮真定時  
有門客彭知方爲酒使踰垣宿妓室門吏  
報公公不究爲種竹詩曰殷勤洗濯加培

壅莫遣狂枝亂出牆彭見詩規甚乃和公  
詩云主人若也憐高節莫爲狂枝贈一柯  
公特以百緡遣一指使呼吏報都下市一  
女妓贈之二公之援引士類如此

神淚

夸堅志和州士人杜默累舉不成名性英  
儻不羈因過烏江謁項王廟被酒露醉才  
炷香拜訖徑升偶坐据神頸拊其首而慟

大聲語曰大王有相虧者英雄如大王而  
不能得天下文章如杜默而進取不得官  
語畢又大慟淚如迸泉廟祝慮其獲罪強  
扶以下掖之而出猶回首嗟歎不能自釋  
祝秉燭檢視神像亦垂淚未已

### 岳王墓

岳王墓在酉陵橋之右墓上松栢枝皆南  
向墓前有分屍檯自根以上劈分爲兩至

稍全其生中格以木以示支解奸檣也正  
統間郡倅馬偉爲之指揮李隆治鐵爲檣  
及妻王氏万侯高三形皆赤身反接跪墓  
前萬居中巡道范涑又益鑄張俊像其四  
焉遊人拜墓後必以瓦礫敲擲之感溺其  
頭而撫摩王氏兩乳至精光可鑒忠奸昧  
於一時榮辱分於千載如此李卓吾曰宜  
鑄施全在旁作持刀殺檣狀更快

詩鬼

常彥溫少不羈落魄京師偶閒步見一宅  
樓上有女子靚妝麗服倚闌凝佇而歌彥  
溫屢見之稍玩乃踰垣而入見門戶四闔  
寂無人迹遂登其西樓但見積塵滿几上  
有一幅紙字墨尙新題一詞曰禁鼓初傳  
時下打虛過清風明月夜眼如魚目幾時  
乾心似酒旗終日掛銀漢低垂星斗斜院

宇空寥燈燭卸西樓瀟灑有誰知獨自上  
來獨自下彥溫出閨其隣皆云此屋多祟  
無人敢居將百餘年矣彥溫愛其詞調乃  
名之曰倚西樓云

鵲鵲止妬

文苑繁武平齊獲侍兒十餘輩頗娛於目  
爲却后所拘憤悲將成疹左右識其情者  
進言曰臣嘗讀山海經云以鵲鵲爲膳可

以止姤梁武從之邈茹之後姤殆減半帝  
神其事左右復言曰願陛下廣爲羞儲以  
徧賜羣臣使不才者無姤於才挾私者不  
姤其奉公濁者不姤其清貪者不姤其廉  
亦助化之一端也帝然其言詔虞人廣捕  
之適崇佛戒殺遂止

### 跨竈

子過其父俗爲跨灶解者紛紛王朗雜箴



云家人有嚴君焉并竈之謂也吳崇賀人  
生子曰寄語王渾防跨竈阿戎清賞祇須  
史騰竈之說竟無定論及讀海客日談云  
邊徼中相馬者言馬前蹄之上有兩空處  
名曰灶門凡善走之馬前蹄之痕印地則  
後蹄之痕反在前蹄之先故軍中謂之跨  
過竈門夫跨從足後步過前似後人追及  
前人之意以擬父子於義爲協

葉瓊章授記

吳江葉氏瓊章月府侍書女也卒後從泐  
大師授記師曰既願皈依必須審戒我當  
一一審汝仙子身三惡業曾犯殺否對曰  
曾呼小玉除花風嘗遺輕紈壞蝶衣曾犯  
盜活對云不知新綠誰家樹在底青簫何  
處聲曾犯淫否對云晚鏡偷窺眉曲曲春  
裙新繡鳥雙雙口四惡業曾妄言否對云

自○謂○生○前○歡○喜○地○詭○云○今○世○辨○才○天○曾○綺  
語○否○對○曰○團○香○製○就○夫○人○字○縷○雪○裁○成○幼  
詩○評○出○短○長○謠○曾○惡○口○否○對○云○月○意○添○愁○喜○句○拈  
詩○評○出○短○長○謠○曾○惡○口○否○對○云○生○怕○簾○開  
譏○燕○子○爲○憐○花○謝○罵○東○風○意○三○惡○業○曾○犯  
貧○否○對○云○經○營○細○帳○成○千○軸○辛○苦○爲○花○滿  
庭○曾○犯○嗔○否○對○云○惟○他○道○蘊○蔽○枯○胡○薄  
彼○崔○微○撲○玉○釵○曾○犯○痴○否○對○云○勉○棄○珠○環

收漢玉戲搗粉盒葵花魂泐大師遂授記  
嗜飲

夸門廣牘云嗜飲者無早晚無寒暑樂固  
醉愁亦如之閒固醉忙亦如之肴核有無  
醪醴善否一不問典當抽那借貨賒荷一  
不恤日必飲飲必醉醉不厭病食不悔俗  
號瓶盞病徧揭本草細檢素問只無此一  
種藥

兒繼

今小兒乳哺時值母有孕輒肩心青黑泄瀉羸瘦俗謂之記按爾雅翼言伯勞能療繼病繼病者母有娠而乳子使子得疾如疳淮南鴻烈解曰男子植蘭美而不芳繼子得食肥而不澤蓋情在腹中之子故於所乳之子情不相與往來所以病而不澤此卽繼病

金帶圍

後山談叢花之名天下者洛陽牡丹廣陵芍藥耳牡丹中紅瓣而黃腰者號金帶圍無種有時而開則城中當有宰相韓魏公爲守一發四枝公自當其一選客具樂以當之是時王岐公以高科爲倅王荆公以名士爲屬皆在選猶闕其一花已欲放公私念今日有過客即使當之及暮報陳太

博傳一作升之來丞使召之乃秀公也明日  
遂開宴折花插簷後四人皆爲首相

### 黃楊

世重黃楊以其無火或曰以水試之沉則  
無火取此木必於陰晦夜無一星則伐之  
爲枕不裂爲梳不積垢○黃楊一年只長  
一寸遇閏年退一寸宋人問月表悟編之  
葉十三黃楊之厄一寸○予反其意云取

期綠草逢春雨惟與黃楊長閨年

女香草

女香草甚繁績婦文佩之則香聞數里男子佩之則臭昔海上有丈夫拾得此香嫌其臭棄之有女子拾去其人跡之香甚欲奪之女子疾走其人逐之不及乃止故曰欲知女子強轉臭得成香呂覽有海上逐臭之夫疑卽此事



賦清菴

楮記石泉飲清庵翟欽甫至衆不之識  
俾賦清庵欽甫故爲拙句云爲問清庵何  
以清衆大笑及賦霜天明月照蓬瀛衆失  
色連賦廣寒宮裏琴三弄白玉樓頭笛一  
聲金井玉壺秋水冷石田茅屋暮雲平夜  
來一枕遊仙夢十二瑤臺獨自行衆詢知  
爲欽甫媿謝延之上坐

和象碁詩

明仁廟在東宮時嘗觀二內侍象奕因命  
曾子綵賦詩云兩軍對敵立雙營坐運神  
機決死生千里封疆馳鐵馬一川波浪動  
金兵虞姬歌舞悲垓下漢將旌旗過楚城  
興盡計窮征戰罷松陰花影滿棋<sub>一作枰</sub>  
瑣綴錄載仁廟和詩云二國爭強各用兵  
擺成隊伍定輸贏馬行出路當知道將守

深宮戒遠征乘險出車收敗卒隔河飛砲  
下重城等閒識得軍情事一着功成見太  
平詞意宏偉似勝曾詩

紅木樨

謝無逸詠木樨花詩曰白雪凝酥點嫩黃  
于武陵曰夜掃黃雪作秋光楊誠齋曰雪  
花四出剪鵝黃皆言白蕊黃香小爾雅有  
丹桂話腴載宋高宗時象山史本家木樨

忽變紅色因獻闕下高宗圖之扇面作詩  
以賜從臣詩云秋入幽岩桂影圓香深霏  
霏照林丹應隨王母瑤池宴染得朝霞下  
廣寒七修云錢塘學中有大紅木樨四明  
誌亦有大紅木樨誌中載詩云月宮移就  
日宮栽引得輕紅入面來好向烟霞承雨  
露丹心一點爲君開是詩堯山堂作明高  
皇詩未知孰是而顏魯公集有謝人青桂

花詩尤爲異事

怕考判

督學將至棚版已具有三秀才蘊藥謀獲  
之邏獲驗確學使者發縣主諺庵思任判  
理具申一炬未成三生有幸欲有謀而幾  
就不待教而可誅萬一延燒罪將何贖須  
吏乞緩心實堪哀聞考卽以命終火攻乃  
出下策各還初服恰遂驚魂

# 市名

市井之區交易之地其名各省不同南方謂之牙行牙本作互以交互爲義互字似牙因訛爲牙牙音似衙又訛爲衙昌黎廣州詩云衙時龍戶集上日馬人來是也北方謂之集謂百貨集於此也聲轉亦謂之積西蜀謂之疾豈疾卽集之誤耶或言欲其交易之疾速也嶺南謂之墟柳子厚詩

青箬裹鹽歸峒客綠荷包飯送虛人王臨  
川云花間人語赴朝虛黃山谷云荷葉裹  
鹽同赴虛義或取夫市朝蒲而夕虛也一  
曰虛而往實而歸也或謂古虛墟字通用  
又有謂之亥者南唐有常州亥則因亥曰  
爲市元微之謫通州白香山詩云寅年饒  
下多逢虎亥曰沙頭始賣魚後人有東市  
行云亥曰饒蝦蟹寅年足虎狼長籍云江

村亥日常爲市山谷亦有魚收亥日妻到  
市之句南中諸夸謂之場每以丑卯酉日  
爲市故曰牛場兎場雞場云

石敢當

人家門戶當巷陌橋梁之衝則立小石將  
軍或植石碑鐫字曰石敢當以厭禳之不  
知起於何時按石敢當見史游急就章顏  
師古註曰衛鄭周齊皆有石氏其後因以



命族敢當所向無敵也據此其名始於西漢五代史載劉知遠爲晉押衙高祖與愍王議事知遠遣勇士石敢袖鐵椎侍晉祖以盧變敢與左右格鬪而死今立門首以爲保障似取五代之石敢其曰當者或爲惟石敢之勇可當其衝也否或因急就章之石敢當也劉元卿賢弈陳眉公群碎錄俱以石敢當爲五代時人則誤矣

# 僧還俗

杭州經山寺僧至慧鉢積旣充欲還俗乃  
作詩曰少年不肯戴儒冠強把身心赴戒  
壇雪夜孤眠雙足冷霜天剃髮滿頭寒朱  
樓美酒應無分紅粉佳人不許看死去定  
爲惆悵鬼西天依舊黑漫漫○順治間蘓  
郡某寺僧某積貲旣厚忽蓄髮還俗花燭  
之夕其師儼然受禮友人作黃鸝啼嘲之

三  
三  
曰和尚討家婆脫編衫着綺羅彌陀大笑  
金剛怒撒了師徒別了尼姑繡房穩似禪  
床卧喝興波堂前花燭擡出老葫蘆

### 長洲酷令

康熙初長洲縣令彭賦性貪酷設立紙  
枷紙半臂便欠糧者衣而荷之有損則加  
責罰滑稽者改清明祭掃一詩粘于縣墻  
云長邑低區多瘠田經催糧長役紛然紙

柳杜作白蝴蝶布棍染成紅杜鵑日落生  
員敲櫓上時撫院朱國治奏銷之後夜歸  
皂隸開門前人生有產須當賣一粒何曾  
到口邊百姓怨恨爲韓撫軍所劫羈棲  
聽勘死於花橋巷寓所

梁令批詞

長洲令梁月臺廷桂賢父母也其治吾邑  
鋤強有力催科有法惜爲嘉定命案鐫級

調任曾見其批詞牒縣牆云夫妻反目常  
事兩隣首告生事捕衙申報多事本縣不  
准省事而予錄之猶未免爲好事也

詩諷僧

江右聶大年教授於杭時有二僧爭住一  
院聶招二僧飲酒贈以詩云蕭蕭落日下  
堯基古殿殘涼白塔低燕子不知身是客  
秋風猶戀舊巢泥二僧慚媿讓院不爭

呂微之

元呂微之安貧樂道隱居逃名以耕漁自給一日詣富家易穀種大雪立門下聞閣中有吟哦聲乃一人分韻得滕字吟苦涕就呂不覺失笑衆詰其故呂曰我意欲舉滕王蛺蝶事耳衆始歎伏以滕滕二字請呂足之援筆書曰天上九龍施法水人間二鼠噬枯藤驚鵲聲亂功收蔡蝴蝶飛來

妙過滕復請和墨字韻詩隨筆書云萬里  
關河凍欲含渾如天地尚函三橋邊驢子  
詩何惡帳底羔羊酒正酣竹委長身寒郭  
索松埋短髮老瞿曇不如乘此擒元濟一  
洗江南草木慚書畢卽去問其姓字亦不  
荅衆驚訝曰嘗聞呂處士名欲一見而不  
能先生豈其人耶曰我農家安知呂處士  
與之穀怒曰我豈取不義之財必易之刺

船而去遣人遙尾其後路甚僻遠識其所而返雪晴往訪惟草屋一間家徒壁立值日不在忽米桶中有人乃其妻也因天寒無衣故坐其中

拆嘉靖字

徐文貞階拆咏嘉靖二字云士本朝堂一丈夫口稱萬壽與三呼一橫直亘乾坤大兩髭斜飛社稷扶加官加祿加爵位立綱



立紀立皇圖主人幸有千秋歲明月當天  
照五湖

蠶食葉成字

解人頗有咏蚕食葉成字詩云綠雲稠疊  
滿懿筐繡口紛紛爭啖忙近聽餘聲追筆  
陣細看剝跡紹書香絲綸未吐先施巧籀  
篆無心每見長易跡馴文人競賞幾曾問  
字向蠶房

原碁

碁有三圖碁博物志曰堯作以教丹朱夫子曰不有博奕者乎而皮日休原奕則辯明始於戰國象碁見於太平御覽爲周武王所創然其名曰象戲其字又有日月星辰之名非今之象碁幽怪錄載唐岑順于陝州夜見車馬步卒之移掘地得金象局并子故唐以後方顯又說苑雍門周謂孟

嘗君下班則闢象碁是以象爲碁勢而分  
陣相闕象碁之名戰國時已有之彈碁始  
於劉向因漢成帝惡蹴踘之勞作以獻之  
其制義備於杙子厚序碁今不傳所傳者  
前之二種雖一藝之微皆有妙在其間窮  
其趣者終日不能完一二局所謂虎穴得  
子人皆驚靜美江山千里近之妙他如東  
坡荆公性非不敏亦不能造其極東坡有

勝固欣然敗亦可喜之語遜齋間覽云荆  
公碁將敗則隨手歛之嘗作詩曰莫將戲  
事擾真情且可隨緣道我羸戰罷兩奩收  
黑白一枰何處有虧成○演繁露云今碁  
方十九道合枰爲碁子三百六十一枚按  
李善註韋昭博奕論枯碁三百引鄆郡淳  
藝經曰碁局縱橫各十七道合二百八十  
九格白黑碁子各一百五十枚爲証

五貫九百俸

墨客揮犀一名公初任縣尉有舉人投書  
索米戲爲詩荅之曰五貫五百九十俸虛  
錢請作足錢用妻兒尙未厭糟糠僮僕未  
能免飢凍贖與贖解不曾休喫酒喫肉何  
曾夢爲報江南癡秀才更來調索覓甚錢  
熙寧中創增選人俸錢以爲養廉隅之本  
不復五貫九百俸矣

雙廟詞

宋文文山題張巡許遠雙廟沁園春詞云  
爲子死孝爲臣死忠死又何妨自光岳氣  
分士無全節君臣義缺誰負綱常罵賊睢  
陽愛君許遠留得聲名萬古香後來者無  
二公之操百鍊之剛嗟哉人生翕歛云亡  
奸蟲齷齪烈烈做一場使當時賣國甘心降  
虜受人唾罵安得流芳古廟幽沉遺容儼

雅枯木寒鳴幾夕陽  
郵亭下有英雄過此  
仔細思量

勸學詞

餘姚謝文正選有勸學詞云聞得入試不  
得意怒髮衝冠欲成疾餘姚雖有好良醫  
相顧終朝不能治我昔曾經害一場傳得  
千金不易方因便抄錄寄同志倘或得效  
無相忘深酒曾論語齊梁鄒孟子曾參大

學章孔伋中庸理加上本經只六味更添  
子史十七粒龍虎石硯香麻油休歛烟墨  
湖州筆頓在明窓淨几中煎熬晝夜莫停  
功切忌陰人來相擾不妨君子過相從慢  
慢嚼細細服過三冬顏如玉可以平步上  
青雲可以坐享千鍾粟遺得渣滓莫輕棄  
留與兒孫再煎服此方累試累有效我願  
知音勿輕忽



三字詩

堯山堂有劉伯溫思美人三字詩曰雨欲  
來風蕭蕭披桂枝拂陵茗繁英隕鮮葉飄  
揚烟埃靡招搖激房帷發綺綃中髮膚潛  
寂寥思美人隔青霄水渺茫山岵嶮雲中  
鳥何脩脩欲寄書天路遙東逝川不可邀  
芳蘭花日夜凋掩瑤琴閑玉蕭魂長長心  
搖搖望明月歌且謠聊逍遙永今宵

除夕遺俗

漢時除夕人家祀先及百神高架松柴焚之謂之火爆烟炮燭天炮音聒耳家庭舉宴長幼咸集謂之合家歡終夜不睡謂之守歲燃燈室中謂之照虛耗是日各家封井不復汲水至正月三日始開而諸行亦罷市往來邀飲不問貧富俱競市什物以慶嘉節光飾門戶男子衣帽婦女釵環之

屬更造一新亦遺俗也家蒼書叔有沁園  
春詞云殘臘云除暗數居諸都爲去塵笑  
逃臺債緩傭工休息且教勞客暫作閒人  
木屑九丹松薪燎火葦菜堆盤簇五辛圍  
爐坐喜分攜歲酒樂在天倫凝呆賣却  
誰曾訝如願何須敲喚頻更圖形驅魑旄  
旛示武通靈祀寵餉粗迎新筒竹雷轟旒  
梅凍解待漏千門萬戶春蒼龍駕便明年

明日已報東巡

通判

有以知縣轉管糧通判者一卽中作詩賀之云最妙無如轉判通州官門報氣何雄班聯喜得先推府尊重何須羨老同丞簿晚生今已矣教官侍教且從容更有一般堪羨處下倉贊典列西東後郎中亦謫齊南州判先通判者官德州其屬吏也方到

任時僚屬滿堂卽書此詩持軸賀之及言其故無不絕例

先儒成語

陸通明世居洞庭有吳某客於山往來頗狎一日陸內人臨舉吳訊曰曾美璋未陸曰昨暮生一女已溺之矣吳嘲其諱曰先生極明此事久通了陸訝之吳曰豈不聞溺愛者不明耶

廣文嘲語

解頤曰抄廣文先生之貧自古記之近日  
士風日趨於薄有某學先生者人餽之肉  
乃瘟豬也先生嘲之曰秀才送禮言之可  
羞瘦肉一方堯舜其猶又有以銅銀爲贄  
者又嘲之曰薄俗送禮不過五分啓封視  
之堯舜與人或作破云教官之責門人也  
言必稱堯舜焉

先生提舉

浙江花提舉與鄞縣學官顏某交往後花  
陞僉事提舉至鄞以舊誼戲出對云雞卵  
與鴨卵同窠雞卵先生鴨卵先生顏應聲  
曰馬兒與驢兒並走馬兒蹄舉驢兒蹄舉

陸伯陽

潘滄浪邂逅一客扣姓字客曰姓陸字伯  
陽滄笑曰齊景公有馬千駟民無得而稱

焉六伯羊值甚約聞者大笑

鄭玄婢

鄭玄家奴婢皆讀書嘗怒一婢拽着泥中一婢問曰胡爲乎泥中答曰薄言往訴逢彼之怒

王三六四

王三名觀恃才放誕陸子履行四性慎默於事無所可否觀嘗以直方少之然二人



極相善觀嘗寢疾子履往候之觀以方帽包裹坐複帳中子履笑曰體中小不佳何至是所謂王三惜命也觀厲聲曰王三惜命何如六四括囊

錢馬相嘲

吳人馬承學性好乘馬喜馳驟同學錢同愛戲曰馬承學學乘馬汲汲而來馬卽荅曰錢同愛愛銅錢孳孳爲利

號寒虫

五臺山有鳥名號寒虫四足有肉翅不能  
飛其糞卽五靈脂當盛暑時文采絢爛常  
自鳴曰鳳凰不如我至深冬嚴寒之際毛  
羽脫落索然如穀遂自鳴曰得過且過噫  
世人中無所守者不甘澹泊鄉里中必振  
援自豪求尺寸名便志得意滿及過貶抑  
遽若喪家之狗搖尾乞憐視號寒虫何異

哉白香山有詩曰得過且過飲啄隨時度  
朝暮得隴望蜀徒爾爲未知是福還是禍  
得過且過新知錄作張東海詞誤

兒回來

汴洛深山中多異鳥其聲多類人言一鳥  
名兒回來鳴曰兒回來娘家炒麻誰知來  
土人以爲昔有繼母偏愛已子以生麻子  
授之以熟麻子授前妻之子囑之曰植麻

生者得歸家二子不知也幼子嗜食熟麻  
子遂彼此相易由是其子誤植熟麻子不  
得歸母思之至死化爲此鳥呼其子曰兒  
回來兒回來好事者記之以警世亦如提  
葫盧脫布袴之類

禽言

閨鄭蒲澗有三禽言詩云快快插禾清明  
穀雨天氣和田中水滿禾好插轉眼便是

人催科快快揮禾

子歸子歸胡不歸田

園旣蕪屋成灰遲遲吾行當訴誰王門抱  
瑟不知抱竿吹鬚髮改筋力衰不歸不歸  
更何爲提葫蘆沽美酒三百青銅何處  
有桃花落盡杏花殘十分春色今無九縱  
遇採樵人勒馬空回首况又多年失孟光  
一斗憑誰爲藏久忍聽提壺休飲酒殊警  
策可誦○元廬陵鄧光薦剡號中齋宋亡

之義行嘗賦鵬鴒詩曰行不得也哥哥瘦  
妻弱子羸捫馱天長地濶多細羅南音漸  
少北語多肉飛不起可奈何行不得也哥  
哥○江浦張璠嘗作五禽言詩亦有意義  
行不得哥哥君意自不定妾心靡有他黃  
花九折坂山水險惡多山險不容幘水險  
舟覆波君心類比妾奈何行不得哥哥  
子歸子歸高堂日將暮故篋開彩衣子不

歸待何時親歸子不歸欲養悔何可追  
姑惡姑惡新婦何曾自認錯人家有姑無  
此惡姑生女作人婦姑不惡婦則樂提  
胡盧提胡盧不愁無酒賣只慮無錢沽但  
得有錢卽沽酒權貴門前嬾趨走君不見  
隣翁了却官家租沽酒取樂一事無喚  
起喚起黑甜不及黃妳美五更莫恨雞聲  
速日出高人睡方足人子孝不色難雞鳴

起來問安生鹽洗○林馬公卿亦有四禽  
言詩詞亦可玩呱呱百鳥相隨婦與夫  
嗟我天陰便逐去誰忍天晴盡日呼布  
穀布穀春風和春雨足此時不種那得熟  
嗟我獨催耕群鳥亦啄粟八風八火八  
山看火嘗恐火來燒殺我燕雀爾何愚棟  
焚不知禍瘦兒瘦兒我自錯當怨誰天  
長地遠兒不歸啼聲日夜無休期叻中流



血羽毛摧人間後母不見之

寄衣侑詩

輟耕錄洞庭葉正甫久客都門其妻劉氏  
因寄寒衣侑以詩云情同牛女隔天河又  
喜秋來得一過歲歲寄郎身上服絲絲是  
妾手中梭剪聲自覺和腸斷線腳那能抵  
淚多長短只依先去一作舊時樣不知肥瘦近  
如何

鍾馗示夢

開元中明皇講武驪山翠華之宮因痞疾  
作畫卧夢一小鬼衣絳犢鼻跣一足履一  
足腰懸一履搢一笏扇盜太真繡香囊及  
「玉笛繞殿奔戲上叱問之小鬼奏曰臣  
乃虛耗也上曰未聞虛耗之名小鬼奏曰  
虛者望空中盜人物如戲耗者耗人家喜  
事成憂上怒欲呼武士俄一大鬼頂烏帽

衣藍袍繫角帶著朝靴徑捉小鬼先剗其目然後劈而啖之上問之奏曰臣終南山進士鍾馗也因武德中應舉不第羞歸故鄉觸殿堦而死奉旨賜綠袍以表感恩願與我王除天下虛耗妖孽之事言訖夢覺瘡疾頓瘳乃詔畫工吳道子奉旨恍若有覩立筆成圖上視之撫几曰是卿與朕同夢賜以百金

維于仁四箴

萬曆中三原維于仁彈上以酒色財氣自  
蠱神廟大怒幾罹不測召元輔申瑤泉每  
事分辯瑤泉委曲解救得以免禍後轉大  
理寺評事進酒色財氣四箴酒箴曰酒爲  
趙襄斯斯不輟心志內暗威儀外缺神禹  
疏狄發詔與隆晉師啣杯糟丘成風進藥  
陛下醲醑勿崇色箴曰艷彼妖冶飲食在

側啟龍納侮爭妍悞國成湯不邇享有遐  
壽漢成龍姬享年不久進藥陛下內嬖勿  
厚財藏口競彼鏐鏐銚銚不剝公帑稱贏  
私家塵旣武散鹿臺八百歸心隋煬剝利  
大命難諶進藥陛下貨賂勿侵氣箴曰逞  
彼忿怒恣性任情法尙操切政戾太平大  
舜溫恭和以致祥秦皇暴戾群慙孔彰進  
藥陛下舊怨勿藏